


Нийслэлийн Аялал жуулчлалын газрын даргын
20 13 оны 01 дугаар сарын 19 -ний өдрийн 14
дугаар тушаалын 1.-р хавсралт



**НИЙСЛЭЛИЙН ЗАСАГ ДАРГЫН ХЭРЭГЖҮҮЛЭГЧ АГЕНТЛАГ
АЯЛАЛ ЖУУЛЧЛАЛЫН ГАЗРЫН ҮЙЛ АЖИЛЛАГААНЫ
СТРАТЕГИ, БҮТЦИЙН ХӨТӨЛБӨР**

1. НИЙТЛЭГ ҮНДЭСЛЭЛ

Оршил

Нийслэлийн Засаг даргын хэрэгжүүлэгч агентлаг Аялал жуулчлалын газрын үйл ажиллагааны стратеги, зохион байгуулалтын бүтцийн хөтөлбөр /цаашид "стратеги, бүтцийн хөтөлбөр" гэж нэрлэнэ/ нь Нийслэлийн Аялал жуулчлалын газрын дүрэм батлах тухай Нийслэлийн Засаг дарга бөгөөд Улаанбаатар хотын захирагчийн захирамжийг үндэслэн тус газрын үйл ажиллагаа, эрхлэх ажлын хүрээг тодорхойлоход чиглэгдэв.

Нийслэлийн Аялал жуулчлалын газрын үйл ажиллагааны стратеги, бүтцийн хөтөлбөрийн үндсэн зорилго нь нийслэл Улаанбаатар хотын аялал жуулчлалыг хөгжүүлэх, эдийн засгийн болон нийгэм соёлын үр нөлөөг нь дээшлүүлэхтэй холбогдсон бодлого, зохицуулалтыг хэрэгжүүлэх оновчтой бүтэц, зохион байгуулалт, ажил үүргийн хуваарийг тогтоох, алсын хараа, эрхэм зорилгодоо хүрэх стратегийн зорилтуудыг тодорхойлоход оршино.

1.2. Үндэслэл

Үйл ажиллагааны стратеги, бүтцийн хөтөлбөр нь Нийслэлийн Засаг даргын 2013 оны 3-р сарын 25-ны өдрийн А/323 дугаар захирамжаар батлагдсан Нийслэлийн Аялал жуулчлалын газрын дүрмээр хүлээсэн үндсэн чиг үүрэг, холбогдох бусад хууль тогтоомжийг үндэслэн боловсруулав.

1.3. Хариуцлага, тайлагналын тогтолцоо

Нийслэлийн Аялал жуулчлалын газар нь Нийслэлийн Засаг дарга бөгөөд Улаанбаатар хотын Захирагч, түүний Нийгмийн хөгжлийн асуудал хариуцсан орлогчийн удирдлага дор үйл ажиллагаа явуулж, Нийслэлийн Засаг даргын Тамгын газарт ажлаа тайлагнана.

1.4. Хууль тогтоомжийн орчин

Нийслэлийн Аялал жуулчлалын газар нь дор дурьдсан хууль тогтоомжийн хүрээнд үйл ажиллагаагаа явуулна.

Монгол Улсын Үндсэн хууль

Нийслэлийн эрх зүйн байдлын тухай хууль


Засаг захиргаа, нутаг дэвсгэрийн нэгж, түүний удирдлагын тухай хууль

Төрийн албаны тухай хууль

Төсвийн тухай хууль
Аялал жуулчлалын тухай хууль
Байгаль орчныг хамгаалах тухай хууль
Түүх соёлын дурсгалт зүйлийг хамгаалах тухай хууль
Тусгай хамгаалалттай газар нутгийн тухай хууль
Бусад хууль тогтоомж

1.5. Үйл ажиллагааны хэрэгцээний эх үүсвэр

Нийслэлийн Аялал жуулчлалын газрын үндсэн үйлчлүүлэгч буюу хэрэглэгчийн хүрээ нь дараах байдалтай байна.



1.6. Үйл ажиллагааны төрөл

Нийслэлийн Аялал жуулчлалын газар нь газрын даргаар дамжуулан зохих журмын дагуу Нийслэлийн Засаг дарга бөгөөд Улаанбаатар хотын захирагч, Нийслэлийн Засаг даргын орлогч, Нийслэлийн удирдлагын зөвлөлийн хурал, Нийслэлийн Иргэдийн Төлөөлөгчдийн хуралд мэдээлэл, шийдвэрийн төсөл оруулах бөгөөд эдгээр асуудлыг мэргэшлийн өндөр түвшинд боловсруулж дэмжлэг үзүүлнэ.

Нийслэлийн Аялал жуулчлалын газрын ажилтнууд нь байгууллагын хөгжлийн стратеги, зохион байгуулалтын бүтцийн хөтөлбөрт уялдуулан стратегийн төлөвлөлт, хэрэгжүүлэлт, мэргэжлийн зөвлөгөөгөөр хангах үндсэн үйл ажиллагаа явуулж дор дурдсан хэлбэрээр дэмжлэг үзүүлнэ.

А. Үйлчилгээ:

Чиг үүргийн дагуу төрийн үйлчилгээг иргэд, аж ахуйн нэгжүүдэд үзүүлэх
Гадаад дотоодын жуулчид, аж ахуйн нэгжүүдийг судалгаа, мэдээллээр хангах
Хууль, тогтоомж, журмын биелэлтийг хангах
Салбарын хөгжлийн эрэлт хэрэгцээг харгалзан төрөл бүрийн сургалт, зөвлөгөөн, уулзалт, арга хэмжээг зохион байгуулах
Иргэд, байгууллагын санал хүсэлтийг судалж шийдвэрлэх, хариу өгөх

Б. Зөвлөгөө:

Хууль, дүрэм, журмыг боловсронгуй болгох санал боловсруулах
Дээд байгууллагын шийдвэрийн төсөл боловсруулах болон шийдвэр боловсруулалтыг сайжруулах
Төсөл, хөтөлбөр, төлөвлөгөөний боловсруулалт, хэрэгжилтийг сайжруулах

В. Зохицуулалт

Газрын үйл ажиллагааг төрийн захиргааны төв, нутгийн захиргааны байгууллагуудын үйл ажиллагаатай уялдуулан холбох
Газрын эрхэм зорилго, гол зорилт, стратеги, үйл ажиллагааны төлөвлөгөөний биелэлтийг хангах талаар зохицуулалт хийх
Дээд байгууллагын бодлого, үйл ажиллагааг сурталчилах, салбарын байгууллагуудын хүсэлт, саналыг дээд байгууллагад хүргэх, төр хувийн хэвшлийн байгууллагуудын дунд ажил хэрэгч холбоо тогтоох

2. НИЙСЛЭЛИЙН АЯЛАЛ ЖУУЛЧЛАЛЫН ГАЗРЫН ҮЙЛ АЖИЛЛАГААНЫ СТРАТЕГИ ЗОРИЛТУУД

2.1. Алсын хараа

Аялал жуулчлалыг нийслэл хотын эдийн засгийн өсөлт, нийгмийн хөгжилд шийдвэрлэх үүрэг бүхий салбар болгон хөгжүүлнэ.

2.2. Үйл ажиллагааны эрхэм зорилго

Нийслэл Улаанбаатар хотыг 2040 он гэхэд жилдээ 5 сая гадаадын жуулчин хүлээн авах хүчин чадал, аялал жуулчлалын бүтээгдэхүүн, үйлчилгээ бүхий хот болгон хөгжүүлэхэд чиглэсэн бодлого, зохицуулалтыг хэрэгжүүлнэ.

2.3. Үйл ажиллагааны тэргүүлэх чиглэл

Нийслэлийн Аялал жуулчлалын газар дор дурдсан тэргүүлэх чиглэлтэй ажиллана. Үүнд:


- Улаанбаатар хотын нутаг дэвсгэрт байгаа аялал жуулчлалын нөөцийг сурталчлах, бүтээгдэхүүнийг хөгжүүлэх, сайжруулах, шинээр бий болгох
- Жуулчны үйлчилгээний байгууллагуудыг мэргэжлийн удирдлагаар хангах, үйл ажиллагаанд нь дэмжлэг үзүүлэх, жуулчны үйлчилгээний чанар, хүртээмжийг сайжруулах
- Улаанбаатар хотын гадаад сурталчилгааг явуулж, зорих газрын менежментийн бодлого, маркетингийн стратегийг хэрэгжүүлэх

- Жуулчдыг татах төрөл бүрийн арга хэмжээ зохион байгуулах, аялал жуулчлалын эдийн засаг, нийгмийн нөлөөллийг зохистой хэмжээнд байлгахад чиглэсэн үйл ажиллагаа явуулах
- Дотоодын аялал жуулчлалыг хөгжүүлэхэд чиглэсэн бодлого, зохицуулалтыг хэрэгжүүлэх
- Жуулчид, аялал жуулчлалын үйлчилгээний байгууллагуудад зориулсан төрөл бүрийн сургалт, судалгааны ажлууд зохион байгуулах
- Нийслэл хотод аялал жуулчлалыг хөгжүүлэх төсөл, хөтөлбөр санаачлан хэрэгжүүлэх

3. ҮЙЛ АЖИЛЛАГААНЫ СТРАТЕГИЙГ ХЭРЭГЖҮҮЛЭХ АЖИЛЛАГАА

3.1. Үйл ажиллагааны стратегийн зорилт, түүнийг хэрэгжүүлэх үйл ажиллагаа, үйл ажиллагааны үр дүн, үр ашгийн тухай мэдээлэл гэсэн газрын үйл ажиллагааны тогтолцоог бүрдүүлж ажиллана.

Газрын үйл ажиллагааны тогтолцоо



3.2 Үйл ажиллагааны стратегийг амжилттай хэрэгжүүлэх зорилгоор захиргааны албан тушаалд тавигдах шаардлага, албан тушаал /ажлын байр/-ны тодорхойлолтод тохирох иргэнийг шилж сонгож холбогдох албан тушаалд зохих журмын дагуу томилон ажиллуулах үйл ажиллагааг цаг тухайд нь гүйцэтгэнэ.

3.3 Төрийн албан хаагч бүртэй албан тушаалын зорилго, үндсэн зорилтыг хэрэгжүүлэхэд чиглэсэн "Үйл ажиллагааны төлөвлөгөө" /үр дүнгийн гэрээ, хөдөлмөрийн гэрээ/-г харилцан тохиролцсоны үндсэн дээр байгуулан ажиллах бөгөөд уг төлөвлөгөө /гэрээ/-ний биелэлтийг үндэслэн тэдгээрийн үйл ажиллагаа, мэргэжлийн түвшинг тогтоосон хугацаанд нь үнэлж дүгнэнэ.

3.4. Төрийн захиргааны албан хаагчийн үйл ажиллагаа, мэргэжлийн түвшингийн үнэлгээг үндэслэн албан тушаал дэвшүүлэх, зохих шатны сургалтанд хамруулах зэрэг дэв олгох, цалин хөлсийг өөрчлөх, албан тушаал бууруулах асуудлыг зохих журмын дагуу шийдвэрлүүлнэ.

3.5. Ажилтны боловсрол, мэргэжлийн бэлтгэл туршлага, үр чадвар, хувь хүний болон багаар ажиллахын давуу талыг зөв зохистой хослуулах, ажлын цагийг үр бүтээлтэй

ашиглах зэрэг нь үйл ажиллагааны стратегийн зорилтоо үр дүнтэй хэрэгжүүлэх нөөц гэж үзэж тэдгээр нөөцийг дээд зэргээр дайчлахад чиглэсэн үйл ажиллагаа явуулна.

3.6. Үйл ажиллагаандаа төрийн захиргааны болон хүний нөөцийн удирдлагын арга барилыг хэрэглэнэ.

Нийслэлийн Аялал жуулчлалын газрын бүтцийн схем

